

Журам шинэчлэн батлах тухай

Санхүүгийн зохицуулах хорооны эрх зүйн байдлын тухай хуулийн 6.1.2, Үнэт цаасны зах зээлийн тухай хуулийн 11 дүгээр зүйл, 34.1.3 дахь заалтуудыг тус тус үндэслэн Санхүүгийн зохицуулах хорооноос ТОГТООХ нь:

1. “Тендер санал гаргах, дүгнэх тухай журам”-ыг хавсралтаар баталсугай.
2. Энэ тогтоол батлагдсантай холбогдуулан Үнэт цаасны хорооны 2003 оны 3 дугаар сарын 21-ны өдрийн 20 дугаар тогтоолыг хүчингүй болсонд тооцсугай.
3. Журмын хэрэгжилтэд хяналт тавьж ажиллахыг Үнэт цаасны газар /Х.Бум-Эрдэнэ/-г, олон нийтэд сурталчлахыг Тамгын газар /Н.Удаанжаргал/-г тус тус даалгасугай.

ДАРГА

Д.БАЯРСАЙХАН

Хуулбар үнэн:  
АЖЛЫН АЛБАНЫ ДАРГА

О.ГАНБАТ

## ТЕНДЕР САНАЛ ГАРГАХ, ДҮГНЭХ ТУХАЙ ЖУРАМ

### Нэг. Нийтлэг үндэслэл

1.1. Энэхүү журмаар Санхүүгийн зохицуулах хороо /цаашид “Хороо” гэх/-оос хувьцаат компанийн энгийн хувьцааны хяналтын багц буюу түүнээс дээш хувийг дангаараа, эсхүл нэгдмэл сонирхолтой этгээд бусад хувьцаа эзэмшигчээс худалдан авахыг хүссэн, Компанийн тухай хуулийн 58.1-д заасан үүргээ хэрэгжүүлэн компанийн бусад хувьцаа эзэмшигчдийн хувьцааг худалдан авахаар санал болгож буй этгээд хуульд заасны дагуу тендер саналыг зарлах, нийтэд сурталчлах, тендер саналтай холбогдсон мэдээллээр сонирхогчдыг хангах, үр дүнг тайлагнах хянахтай холбогдсон харилцааг зохицуулна.

1.2. Хяналтын багцыг худалдан авахаар санал болгосон хувьцаат компанийн хувь нийлүүлэгчдийн хурал нь энэ талаар саналын эрхтэй хувь нийлүүлэгчдийн саналын олонхиор тусгайлан шийдвэр гаргаагүй бол хяналтын багцыг эзэмшихээр санал гаргасан этгээдэд хувь нийлүүлэгчдийн зүгээс хувьцаагаа худалдахад нь ямар нэг саад учруулах эрхгүй.

### Хоёр. Тендер саналыг Хороонд ирүүлэх, хүлээн авах

2.1. Тендер санал гаргагч этгээд нь хавсралт маягт 1-ээр Хороонд өргөдөл гаргаж энэхүү журамд заасан баримт материалыг хавсаргана.

2.2. Тендер санал гаргахаар ирүүлсэн баримт материалын агуулга зөрчилтэй, хууль тогтоомж, журамд нийцээгүй бол Хорооны Ажлын албанаас буцаана.

2.3. Өргөдөлд тендер санал хүчинтэй байх хугацаа, худалдан авах хувьцааны төрөл, тоо ширхэг, үнийг зааж дараах баримт материалыг хавсаргана.

2.3.1. Тендер санал гаргагчийн талаарх танилцуулга;

2.3.2. Зохицуулалтын үйлчилгээний хөлс төлсөн баримтын хуулбар;

2.3.3. Үнэт цаасны зах зээлийн тухай хуулийн 11.8 дахь заалт, энэхүү журмын 2.6-д заасан мэдэгдлийг холбогдох этгээдэд илгээсэн, хүлээлгэн өгсөн тухай баримт /баталгааг шуудангаар явуулсан, эсхүл тухайн этгээд уг мэдэгдлийг хүлээн авсан тухай баримт/;

2.4. Тендер санал гаргагчийн талаарх танилцуулгад дараах зүйлсийг тусгана:

2.4.1. Тендер санал гаргагчийн нэр, хаяг, оршин байгаа газар, утас, факс, шуудангийн хаяг;

2.4.2. Тендер санал гаргах болсон шалтгаан, зорилго

2.4.3. Тендер санал гаргагчийн товч түүх, хэрэв компани бол бүтэц, зохион байгуулалт, үйл ажиллагааны чиглэл, бусадтай хийсэн томоохон гэрээ хэлцлийн тухай мэдээлэл;

2.4.4. Тендер санал гаргагч өөр компанийн хувьцааг эзэмшиж байгаа бол тэр тухай мэдээлэл;

2.4.5. Хувьцааны хяналтын багцыг эзэмшиж буй этгээд бусдынхаа хувьцааг худалдан авахаар саналаа гаргаж байгаа бол компанийн дунд хугацааны бизнес төлөвлөгөө;

2.4.6. Хувьцаа худалдан авахад шаардагдах мөнгөний нийт дүн нь 20 сая төгрөгөөс илүү бол уг хөрөнгийн гарал үүслийн тухай мэдээлэл, түүнийг нотлох баримт;

2.4.7. Нийтэд хүргэх мэдээллийн загвар;

2.4.8. Тендер санал гаргагч болон түүнтэй нэгдмэл сонирхолтой этгээд нь Компанийн тухай хуулийн 81.1-д заасан эрх бүхий албан тушаалтан бол тухайн компани хуулиар хүлээсэн үүргээ хэрхэн хэргжүүлж ажилласан тухай мэдээлэл, холбогдох бусад баримт бичиг;

2.5. Хэрэв шаардлагатай гэж үзвэл Хороо тендер санал гаргагчаас нэмэлт мэдээ, баримт материал, тайлбар гаргуулан авах, аливаа баримт материалыг баталгаажуулахыг шаардаж болно.

2.6. Тендер санал гаргагч нь тухайн компанийн нийт хувьцааны 10 ба түүнээс дээш хувийг эзэмшиж байгаа этгээд болон компанийн удирдлагад тендер санал гаргах тухайгаа бичгээр мэдэгдсэн байна.

2.7. Тендер санал гаргагчийн хүсэлтийг шийдвэрлэсний дараа өдрөөс тухайн компанитай холбогдсон өөр тендер санал гаргагчийн мэдэгдэл, баримт бичгийг Хороо хүлээн авна.

2.8. Тухайн компанийн асуудал хариуцсан Хорооны мэргэжилтэн тендер саналын мэдэгдлийг хүлээн авахад өмнө нь тухайн компанийн хувьцааг худалдан авах тендер саналын мэдэгдэл ирж Хороонд хянагдаж байгаа бол энэ тухай тендер зарлах хүсэлт ирүүлсэн дараагийн этгээдэд мэдэгдэж, түрүүчийн тендер саналыг зөвшөөрөх тухай Хорооны шийдвэр гарсны дараа хүлээн авахаар өргөдөл хүсэлтийг холбогдох баримт бичгийн хамт ажлын 3 хоногийн дотор буцаана.

### **Гурав. Тендер саналыг хэлэлцэн шийдвэр гаргах**

3.1. Өргөдөл, танилцуулга, бусад баримт бичгийг хүлээн авсан, эсхүл нэмж шаардсан материалыг бүрэн бүрдүүлсэн өдрөөс хойш 30 хоногийн дотор Хороо шийдвэр гаргана.

3.2. Тендер санал гаргагч Хорооны хуралдаанд хүсэлтээ танилцуулж болно.

3.3. Тендер санал гаргагчийн хувьцаа худалдан авахаар санал болгож буй доод үнийг тухайн хувьцааны сүүлийн 52 долоо хоногийн дундаж ханш, тендер санал гаргагч

тухайн хувьцааг худалдан авсан дээд ханш хоёрын аль өндрөөс доошгүй байхаар тогтооно. Харин тендер саналын үнэ нь уг хувьцааны нэрлэсэн үнээс доош байж болохгүй.

3.4. Тендер саналын хүчинтэй байх доод хугацаа ажлын 60 хоног, дээд хугацаа 6 сар байна.

3.5. Аль нэг хувьцаат компанийн хувьцааг худалдан авахаар зарласан тендер санал хүчинтэй байгаа хугацаанд уг тендер саналын үнээс доош үнээр тендер санал гаргахаар ирүүлсэн хүсэлтийг өмнөх тендер саналын хугацаа дууссанаас хойш шийдвэрлэнэ.

### **Дөрөв. Тендер саналыг нийтэд зарлах, сурталчлах, арилжаа явуулах**

4.1. Тухайн тендер саналыг зөвшөөрсөн шийдвэрээ Хороо нийтэд мэдээлж Хөрөнгийн биржид хүргүүлнэ. Хөрөнгийн бирж Хорооны шийдвэрийг хүлээн авсан өдрөөс хойш ажлын 3 хоногт багтаан бүх гишүүн компаниудад мэдэгдэнэ.

4.2. Тендер санал гаргагч нь тендер санал гаргахыг зөвшөөрсөн Хорооны шийдвэрийг хувьцаа эзэмшигчид хүргэх, нийтэд сурталчлах ажлыг хариуцах бөгөөд уг шийдвэрийг гарсан өдрөөс хойш ажлын 3 хоногийн дотор сурталчилгааг эхэлсэн байна. Тендер саналаа нийтэд сурталчлахдаа хавсралт маягт 2-ыг баримтлана.

4.3. Тендер санал гаргагч нь тендер санал гаргасан тухай мэдээллийг өдөр тутам хэвлэгдэж, орон нутагт тараагддаг 2-оос доошгүй сонин болон орон даяар нэвтрүүлгээ түгээх эрх бүхий радио, телевизээр тендер санал хүчинтэй байх хугацаанд 10-аас доошгүй удаа нийтлүүлж хувьцаа эзэмшигчид, сонирхогч бүх этгээдэд нэгэн адил хүргэх үүрэгтэй.

4.4. Тендер санал гаргагч этгээд сурталчилгааны явцад өрсөлдөгчийн нэр хүндийг гутаах, хуурамч мэдээлэл тараах, гүтгэлэг хийх зэргээр хууль бус үйл ажиллагаа явуулахыг хориглоно.

4.5. Үнэт цаас гаргагч болон төлбөр тооцоо, хадгаламжийн байгууллага нь тендер санал гаргагчийг мэдээллээр хангах үүрэгтэй. Хэрэв 1-ээс дээш тендер санал гаргагч байвал дээрх үнэт цаасны оролцогч байгууллагууд нь харилцан адил, тэгш боломж олгох үүднээс мэдээллээр хангана. Тендер санал гаргагч нь тухайн үнэт цаас гаргагч болон төлбөр тооцоо, хадгаламжийн байгууллагаас мэдээлэл гаргуулж авах хүсэлтээ Хороогоор дамжуулан тавьж болно.

4.6. Тендер санал гаргагчийн үнэт цаас худалдан авах захиалгыг биелүүлэхдээ Үнэт цаасны зах зээлийн тухай хуулийн 21.4-т заасан журмыг баримтална.

4.7. Тендер саналын сурталчилгааг эхэлсэн үед санал гаргагч нь нэг буюу хэд хэдэн үнэт цаасны компанид үнэт цаас худалдан авах захиалга өгч төлбөр тооцооны байгууллага дахь дансандаа захиалга биелүүлэхэд шаардагдах мөнгөн хөрөнгө байршуулсан байна.

### **Тав. Хориглох зүйлс, тендер саналын**

## **биелэлтэд хяналт тавих**

5.1. Хорооны шийдвэр гарсан өдрөөс хойш түүнийг хүчинтэй байх хугацаанд тендер саналын нөхцлийг өөрчлөхийг хориглоно. Тендер санал гаргагч нь арилжааны явцад үнийн саналаа өсгөж болох ба зарласан үнийн доод хязгаараас бууруулахыг хориглоно.

5.2. Тендер саналын хэрэгжилтэд дараах байдлаар хяналт тавина:

5.2.1. Тендер санал зарлагч нь энэ журамд заасны дагуу саналаа нийтэд сурталчилж байгаа эсэх, тендер санал зарласны дараах тухайн үнэт цаасны арилжааны явц, тендер саналтай холбогдуулан хувьцаа эзэмшигчдээс гаргасан өргөдөл, гомдлын шийдвэрлэлтийн байдалд Хорооны Ажлын алба;

5.2.2. Тендер саналын дагуу хувьцаа худалдан авахад шаардагдах мөнгөн хөрөнгийн үлдэгдэл нь хувьцаа худалдан авах захиалгыг хэрэгжүүлэхэд хүрэлцээтэй байгаа эсэхэд “ҮЦТТТХТ” ХХК;

5.2.3. Тендер санал гаргагчийн хувьцаа худалдан авах захиалгаа зуучлуулж буй брокер, дилерийн компанид өгсөн эсэх, захиалга нь арилжааны сүлжээнд байршсан эсэхэд “МХБ” ХК тус тус хяналт тавина.

5.3. Энэхүү журмын 4.7-д заасан хугацаанд үнэт цаас худалдан авах захиалгаа өгөөгүй, төлбөр тооцооны байгууллага дахь мөнгөн хөрөнгийн үлдэгдэл нь захиалга биелүүлэхэд хүрэлцэхгүй байгаа бол энэ нь тендер саналыг хүчингүйд тооцох үндэслэл болно.

5.4. Энэ журмын 5.2.2, 5.2.3-д заасан шаардлагыг тендер санал гаргагч биелүүлсэн эсэх талаар тендер санал хүчинтэй болсон өдрөөс хойш ажлын 10 хоногийн дотор болон цаашид ажлын 10 хоног тутамд “ҮЦТТТХТ” ХХК, “МХБ” ХК нь Хороонд мэдээлэл ирүүлж байна.

5.5. Тендерийг хүчингүйд тооцох эсэх тухай шийдвэрийг Хороо гаргана.

### **Зургаа. Тендер саналын биелэлтийг дүгнэж тайлагнах, хариуцлага хүлээлгэх**

6.1. Тендер саналын хугацаа дуусмагц тендер санал гаргагч тухайн хугацаанд хувьцаа худалдан авсан тухай тайланг хавсралт маягт 3-аар гаргаж ажлын 10 хоногт багтаан Хороонд ирүүлсний дараа Үнэт цаасны газрын уг асуудлыг хариуцаж Хорооны хуралд оруулсан мэргэжилтэн тогтоолын биелэлтийг дүгнэж Хорооны Тамгын газарт өгнө.

6.2. Тендер санал зарлах үүрэг бүхий этгээд хуульд заасан журмын дагуу тендер санал зарлаагүй, зарласан боловч энэ журмын 4.7-д заасан шаардлагыг биелүүлээгүй, хувьцаа эзэмшигчдийг хууран мэхлэх ажиллагаа явуулсны улмаас тендер санал нь энэ журмын 5.3, 5.5-т зааснаар хүчингүй болсон бол Компанийн тухай хуулийн 58.2-т зааснаар тухайн этгээдийн эзэмшиж буй хувьцаа саналын эрхгүйд тооцогдоно. Энэ талаар Хороо “ҮЦТТТХТ” ХХК болон олон нийтэд мэдээлнэ.

6.3. Энэ журмын холбогдох заалтыг зөрчсөн этгээдэд Үнэт цаасны зах зээлийн тухай хуулийн 38.1 дэх хэсэгт заасан захиргааны шийтгэл ногдуулна.

--oOo--

МОНГОЛ УЛСЫН САНХҮҮГИЙН ЗОХИЦУУЛАХ ХОРООНД  
ӨРГӨДӨЛ ГАРГАХ НЬ:

----- компанийн -----

-----

хувьцааны -----хувийг/ширхэг/ -----  
-----/байгууллагын

нэр, эсхүл

нэгдмэл сонирхолтой этгээдүүдийн овог, нэр/ өмчилж байгаа бөгөөд түүн дээр уг  
хувьцааны ----- хүртэл хувийг нэмж нийт ----- хувийг өмчлөхөөр тендер санал  
зарлах хүсэлтээ гаргав.

1. Тендер санал гаргахыг хүсэгчийн:

а/нэр -----

/хэрэв иргэн бол овог, нэр/

б/хаяг -----

орших газар -----

/хэрэв иргэн бол эрхэлдэг ажил, албан тушаал/

в/Улсын бүртгэлийн гэрчилгээний

дугаар ----- регистр -----

/иргэн бол иргэний үнэмлэхний дугаар -----

регистр -----/

2. Худалдан авах хувьцааны нэрлэсэн үнэ -----

3. Санал болгож буй үнэ -----

4. Худалдан авах хувьцааны тоо, ширхэг -----

5. Хувьцаа худалдан авах мөнгөн хөрөнгийн дүн -----

6. Тендер саналын хүчинтэй байх хугацаа -----

7. Хороонд ирүүлсэн баримтын үнэн зөв эсэх, өөрт тохиолдож болзошгүй эрсдлээс учрах  
хохирлын хариуцлагыг Монгол улсын Санхүүгийн зохицуулах хороотой хуваалцахгүйг  
батлан илэрхийлж байна.

Өргөдөл гаргасан: -----

/албан тушаал, тамга/

200. оны .. дугаар

сарын ..-ны өдөр

## ТЕНДЕР САНАЛЫГ СУРТАЛЧЛАХ ЗАГВАР

1. "Үнэт цаасны зах зээлийн тухай" Монгол улсын хуулиас:

-3.1.14. "Тендер санал гаргах" гэж тогтоосон журмын дагуу нээлттэй хувьцаат компанийн энгийн хувьцааны хяналтын багц буюу түүнээс дээш хувийг дангаараа, эсхүл нэгдмэл сонирхолтой этгээд худалдан авах саналаа нийтэд зарлахыг хэлнэ.

-11.1. Тендер саналыг энэ хууль болон түүнд нийцүүлэн Хорооноос тогтоосон журмын дагуу гаргана.

-11.5. Тендер саналын хүчинтэй байх доод хугацаа ажлын 60 хоног, дээд хугацаа 6 сар байна.

-11.7. Тендер санал гаргагч тендер саналтай холбогдсон мэдээллийг сонирхогч бүх этгээдэд нэгэн адил хүргэх үүрэгтэй.

2. Тендер санал гаргагч байгууллагын оноосон нэр, хаяг/иргэн бол овог, нэр/  
-----

3. Хорооноос тендер санал гаргахыг зөвшөөрсөн огноо, Хорооны шийдвэрийн агуулга --  
-----

1. Компанийн нэр хаяг, гаргасан хувьцааны тоо ширхэг, нэрлэсэн үнэ  
-----

2. Тендер санал зарлагдаж байгаа компанийн сүүлийн 3 жилийн эдийн засгийн үзүүлэлтүүд:

борлуулалт: 200. -----

200. -----

200. -----

ашиг: 200. -----

200. -----

200. -----

Нэгж хувьцаанд олгохоор зарласан ногдол ашиг:

200. -----

200. -----

200. -----

1. Худалдан авахаар санал болгож буй хувьцааны тоо ширхэг, нийт хувьцаанд эзлэх хувь  
-----

2. Нэг ширхэг хувьцааг худалдан авах тендер саналын үнэ  
-----

3. Тендер санал зарласан хувьцаа эзэмшигчийн хэрэгжүүлэх үйл ажиллагааны чиглэл  
-----

4. Өөр компанийн хувьцааг эзэмшиж байгаа бол тэр тухай мэдээлэл  
-----

Тендер саналын талаар мэдээлэл авч болох хаяг, утас---

Нэгдмэл сонирхолтой этгээдийг төлөөлөх этгээдийн овог, нэр, хаяг, утас -----



ТЕНДЕР САНАЛЫН БИЕЛЭЛТИЙН ТАЙЛАН

Тендер санал гаргагч: НЭР ДАНС  
 -----  
 ----  
 -----  
 ----

Ямар хувьцаат компанийн хувьцаа болох -----  
 Худалдан авахаар санал болгосон үнэ -----  
 Худалдан авахаар зарласан хувьцааны тоо ширхэг -----  
 Хувьцаа худалдан авахад шаардагдах мөнгөн хөрөнгийн дүн-----  
 Тендер санал: эхлэх -----  
                     дуусах ----- хугацаа  
 Тендер саналын хүчинтэй байх хугацаанд  
 Тендер зарлагчдын дансанд орсон мөнгөн хөрөнгийн дүн -----

Огноо	Данс	Худалдан авсан		Мөнгөн дүн	Шимтгэл	Нийт мөнгөн дүн	Хэлцлийн дугаар
ДҮН							

Мөн хугацаанд тухайн хувьцааг эзэмшигчдээс  
 худалдахаар захиалсан тоо ширхэг -----  
                                     дундаж үнэ -----

/Энэ хэсгийг Хөрөнгийн биржийн холбогдох ажилтан нөхөн гаргаж гарын үсэг, албаны тэмдэгдарсан байна/.

Биелэлтийн тайлан гаргасан / /

Тайланг шалгаж баталсан:  
 Төлбөр тооцооны байгууллагын  
 Ажилтан / /  
 Тайланг хүлээн авсан:  
 Хорооны мэргэжилтэн / /  
 Огноо -----